



6. januar 2017

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

Apeqqutit:

- 1. A/S INI-mi aamma Iserit A/S-mi agguaqatigiisillugu ukiumut qassit anisitaasarpat?**
 - a. Anisitaasartut suut tunngavigalugit anisinneqartarpat? (akiligassat/nipiliorneq/sumiginnaaneq/il.il.)**
 - b. Ilaqtariit meerartallit immikkut isiginiarneqartarpaat?**
- 2. A/S INI-mi aamma Iserit A/S-mi anisitsineq pitinnangu iliuutsit suut anisitsinninnissaq anguniarlugu iliuuserineqarsimasarpat?**
- 3. A/S INI aamma Iserit A/S paasisassarsiornerminni ineqartut anisitaanninnissaannut iliuuserisinnaasanik nutaanik isumassarsisoqarnerpa?**
- 4. A/S INI-mi aamma Iserit A/S-mi akiittoqarneq peqqutigalugu anisitaasimasut akiliinnaassuseqartuusarnersut takussutissaqarpa?**
- 5. Akiittoqarneq peqqutigalugu anisitaasimagaanni qanoq ililluni inimik neqeroorfigineqaqqissinnaaneq anguneqassua?**
- 6. Anisitaasartut kommuninut agguassagutsigit sumi amerlanerpaat anisitaasarpat?**

(Inatsisartuni ilaasortaq Bendt B. Kristiansen, Inuit Ataqatigiit)

Tunngavilersuut:

Pisortat inissiaataanni attartortakkani attartortut anisitaasartut ukiumut amerlasarput, pingittoortikkuminaattarunarlutillu.

Ilisimavarput isumaginninnerup iluani ajornartorsiutini inissaaleqineq annertuumik tunngaviusartoq taamaattumillu anisitsisarnerup sapinngisaq

tamaat annikinnerpaamiitinneqartariaqarnera anguniarneqartariaqarluni.

Pisariaqarpoq ersarississillugu anisitsisarnermi ajornartorsiut qanoq atsiginersoq, sumik tunngaveqakkajunnersoq qanorlu ilusilimmik aqqiiviginiarneqarnersoq, attartortuusooq akisussaaffianik arsaanngikkaluarlugu siusissukkut pitsaaliuinikkut.

Naatsorsuutigivara ullut qulit suliffiusut iluanni akineqarsimassallunga